



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : HO FUNG COLLEGE (SPONSORED BY SIK SIK YUEN)

学校名称 : 可风中学 (啬色园主办)

Name of Play 剧名 : 重新出发

Script writer 剧作者 : 可风中学戏剧组 (学生)

Synopsis 故事大纲 :

还记得，小时候的我们，都十分渴望长大。

但渐渐，面对着无间断的人生竞赛，我们开始感到疲惫，继而却步。

数名学生，处身于残酷的社会制度，无人得知如何自处。

该继续踏上荆途，抑或回到起点，重新出发？

该奋力抵抗，还是让步妥协？

曾经，他们对人生充满盼望。

现在，他们对世界感到失望。

未来，却是否只会剩下绝望？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Scene 1

V O 各位，截至 6 月 30 日为止，因多年前突然出现嘅社会贡献监管制度分数不足而身亡嘅 18 至 20 岁人士达 623 名，而 25 至 30 岁人士则有 421 位市民身亡。根据统计处数据显示，本年度目标分数升幅为百分之五，较上年度的百分之三为高，政府呼吁各年龄层人士提高警觉。下一则新闻，教育局局长对于本年度…

辉哥 喂你又无啦啦系度弹咩结他呀，嘈住晒。

Peter 你理得我啫，你都系度打机咋嘛。

Andy (入台)阿辉，唔好再打机啦，呢度全部人最大系你呀，你唔惊嘅咩。

辉哥 横死掂死紧系玩埋先死啦。

豪仔 温咩书丫，要拎分，我地就要做啲对世界有意义嘅事。

辉哥 望到只野都唔开胃，拎分，讲经咩？点丫？去执垃圾呀？

Vivian 咁 easy 咩？

豪仔 系啰，我都想知呀。

阿均 喂，成个暑假影都无，一次都无跟过我地出去玩，点呀，返暑期工返成点呀？

Andy 都有加下啲分嘅…不过都系好少咋。

Vivian Let me see? 都唔系丫，3378 (英文读)，喂你多过我地加埋啲。

Andy 但系仲差好远呀。我得返半年多啲就 18 岁喇。

辉哥 喂大佬想点呀，十几岁仔做到啲咩呀，计我话嗰个都唔知咩制度黎，乱咁黎，都竊线嘅

阿均 阿辉你坐低先，我啱啱睇到你个分，点解低左咁多嘅，又贴晒纱布咁，你搞咩黎？

豪仔 唉，睇佢个款肯定又同人开片黎啦。

Andy (语重心长) 阿辉呀，你又唔系未见过嗰啲人架，一唔够分命都无架，遗言都无句呀，你唔好咁啦…

辉哥 (狡辩) 咩…咩者，个班咁既垃圾大学生恃住自己高分啲英文好啲就系度恰细佬，细佬野都抢呀…我咪打佢地一身，教精佢地第时唔好以为自己可以打横行啰，呢啲先叫对社会有贡献丫，唔加我分不特只，仲减我。

Vivian You so 伟大，最多你第时有疤我送盒遮暇膏比你喇。

阿均 送把剑比你，下次桶死佢。

豪仔 你快啲做番啲有用嘅事帮补下啦。

辉哥 咁易就唔会死咁多人啦，佢年年计架，是但啦，做几多好事咪又系加得嗰鸡碎咁多分，死咪死啰 未惊过啲。

Andy 唉，如果我地聪明啲，读书好啲，就唔洗搞到而家咁啦，点算好呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Vivian you ask me I ask who ah, 喂点算呀音乐家？

Peter 音咩乐家丫…做音乐家有鬼用，咪又系咁低分，你话我系医生律师就唔洗愁啫。

(老师入场)

(欢呼) (起哄) (吹口哨) (返晒埋位)

豪仔 喂 miss leung miss leung, 过左个暑假, 又正左啲! 识左男朋友仔呀?

Vivian Miss Leung, 点解你仲要留系度 teach 我地嘅, 出面 outside 啲啲 people 个个都话我地好 rubbish, 你教佢地加多 d 分啲, 你都应该知架?

豪仔 你教左我地咁多年都顶得顺我地, 系劲嘅。

老师 大家静一静, 无谓说话我就唔多讲啦。对左大家咁多年, 我仍然深信无人系教唔到嘅, 只要你地肯比个心出黎学, 我应承你地, 我一定会一直陪住你地, 同大家一齐努力。我地今年都一齐努力, 好不好?

豪仔、阿均 啱 missy 话同我地一齐啲, 梗系好架。(啱好 warm 啲)

阿均

辉哥 (超大声) 好! (其他人低下头无反应) 好! 梗系好啦, 难得 missy 咁耐都唔放弃我地, 你地话系咪先? (依然无反应) 你地咪咁啦, 我系最低分啲个都未好似你地咁灰啦, 我地仲有几个月先够 18 岁呀嘛, 仲有得追嘅。

豪仔 唉, 辉哥, 你唔好再俾啲假嘅希望我地丫。18 岁完又点丫, 每年都要再高架, 捱得一年都未必去都下一年呀唉。

Peter 我就唔理啲 d 咁嘅分喇, music is my life, 无得玩音乐宁愿死左佢好过啦。

Vivian model is my life, 你地学下我啦, 我呢就谗住 graduate 之后呢, 就出黎做 model 拍写真, 到时做左万人迷, 请你地做经理人又点话丫。

阿均 拍写真, 你做揸机啲个呀?

老师 拿拿拿, 唔好嘈住, 听我讲先。虽然呢, 我都知道, 大家嘅分数都有少少低, 但系大家又唔洗咁心灰意冷住嘅, 只要大家依家比心机读书, 无论最后结果系点, 老师都会以你地为荣。

Vivian 我地唔比人扣都偷笑 la。

阿均 啱 missy 你自己高分就梗系咁讲啦, 你咁讲系咪即系话我地最后死左都无所谓先。

辉哥 收声! 无礼貌。咁样同 missy 讲野嘅咩。

Peter missy 都系有啲句讲啲句啫

老师 梗是不是啦, 你地互相扶持左咁耐, 一个都不能少。

老师 好啦好啦, 正式上堂啦。坐翻低晒先, 我地今日就想探讨下一啲中国人嘅传统文化, 孟子讲过, 中国人最着重仁义礼智, 舍生取义嘅精神, 大家又知唔知其实系讲啲咩嘅呢?

Vivian missy, sorry ah, 可能我外国妹性格啦, 真系唔识呢啲丫。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

阿均 我答我答，舍身，系咪啫系话啲人抛个身出黎，换番啲酬劳咁丫。

老师 阿辉，唔好又乱讲野。

老师 你地呢？

豪仔 写生，定写真呀？

老师 拿舍生呢，即系话舍去，付出自己嘅生命，取义，亦即系去达到一啲有道义嘅事，咁就为之舍生取义啦。

豪仔 **Missy Missy** 咁辉哥见到有细路比人恰帮人出头，结果比人打到猪头咁，咁系咪叫舍生取义呀。

老师 如果真系咁，虽然就未去到咁高层次，不过都叫做行侠仗义嘅，不过始终，撩人打架都系唔啱，阿辉你以后唔好再系咁啦。

阿均 **Miss** 听我讲先，佢连自己就嚟死都唔知，仲要成日撩人打架，依家仲要喇到成只死猪咁真系可怜。

老师 咁呀…阿辉呢？阿辉？（阿辉熟睡中）

（学们打眼色）（扮起立）

众同学 **Good bye Miss Leung.**

辉哥 （训醒）**Good bye Miss Leung.**

（全班哄堂大笑）

辉哥 你地好野，知唔知呢个咩黎呀？真系打得少呀。（指住自己拳头）

老师 阿辉，我知你可能好劫，不如你去洗个面先呀。你地都唔好整蛊同学下。

辉哥 唔洗啦，而家乜都醒晒啦！（望表）洗唔洗咁呀，咁又扣我 5 分，你好野。（指天）

其他同学 （望表）喂我地都无左 3 分丫。

Vivian **Ridiculous.**

阿均 咪系，我地企起身讲两句又叫对社会无贡献呀，讲个笑都唔得不如唔好等 18 岁啦，而家就捉晒我地去啦，都痴线架。

Peter 你地做咩事呀。好彩我啱啱无份玩啫。你地都预左架啦又唔系第一次，佢觉得你浪费时间咪扣你啰。我地边有资格去拗丫。

老师 喇，其他同学都系呀。（语重心长）我知道，大家就黎 18 岁，仲有几个月就要第一次开始面对筛选，而且仲要系无了期嘅筛选，依家一定好大压力。我作为你地嘅老师，陪左你地咁耐，真系唔想睇住你地一个一个咁离开，所以唔好再讲埋晒啲晦气说话啦知唔知，都系嗰句，我地班，一个都不能少！

Vivian **Missy**，对不起呀。

阿均 我地会生性架啦。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

辉哥 讲真呀，由细到大，以前啲啲老师只会一味闹我地睇死我地，系你先咁有耐性喺度教我地仲要喺度哄我地添，有你做我地老师，依家即刻死左都抵呀。

豪仔 missy，得啦，咁多年，呢啲野心照。

（打钟）

老师 好啦，今日讲到呢度先，各位同学再见。

众同学 Miss Leung 再见（离台）

Scene 2

老师 你…

黑 你见到我？

老师 我紧系见到你。你系边个呀，点解佢地见唔到你。

黑 既然你终于见到我，咁系咪即系表示我嘅任务都就呢完喇？

老师 我同你讲紧野呀…点解，点解有晒佢地 d 样系度嘅？

黑 啱啱先扣完佢地分。

老师 你就系嗰个制度？

黑 唔可以话系嘅，我只系佢嘅执行者，不过，你都几醒㗎。

老师 点解你要咁做呀，你见唔见到佢地几辛苦呀。成个社会个个都担惊受怕呀。

黑 睇你点睇啦，我只不过帮你地，维持返个社会嘅平衡啫，有用，咪留低，无用，咪 out。

黑 我地嘅宗旨，好简单，等价交换。佢地浪费左几多时间，你知架。不过都唔紧要嘅，玩完，咪开铺新嘢，再玩过，好多人都系咁架啦。

老师 系，佢地系浪费左好多时间，但佢地有改变架，你都见到，Andy 已经好俾心机架啦。

黑 我重视嘅，系结果呀。系我眼中，佢地全部都一样。呢个制度唔公平咩？有贡献，咪想做咩都得嘢。唔得嘅，至少唔好成为社会嘅负累，帮佢地一把嘢。都几好丫。

黑 问心嘅咁呀，乜你真系觉得佢地可以帮到个世界咩，贡献到咩？慢慢谗下啦你（离台）

老师 咩野贡献呀，有无贡献真系咁重要咩？喂！喂！

Scene 3



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- 老师 喂做咩自己一个坐系度丫，就快就 18 岁啦喎，呢几个月都见你都好努力，依家咁落去，你今年应该唔洗担心丫。
- Andy (失神) Missy? 我有野呀。
- 老师 咁大口气! ? 今年无事咋，都要继续努力，出年目标分数会再高 d 架啦，唔好学埋晒阿均佢地啲野。
- Andy 好似佢地咁几好丫，日日无忧无虑，我都不知几想好似佢地咁呀。
- 老师 唉，至弊佢地视分数为无物呢，我真系好担心佢地几个，净翻几个月咋，都唔知点算。
- Andy 算啦其实我哋全部明明都已经好努力，但系我哋根本就唔系读书嘅材料，点解系都要逼我地啫，啲分好似永远都唔够咁，但系就跟住我哋成世。
- 老师 你唔好咁谗啦，无错，你地读书系唔叻，但系其实呢咁多年同你地相处左之后，都见到你地有唔同嘅长处，就好似阿辉咁丫，你咪睇佢成日系度讲埋晒啲打打杀杀咁呀，朋友一有事，佢第一个冲出黎帮手呀。
- Andy 我梗系知啦，不过有用咩，佢暑假明明就系去帮人先同人打架，到最后系就系好似好公平咁一齐俾人扣，但嗰个人啲分多到买起晒我地都仲得丫。贡献社会，呢啲就叫贡献社会咩?
- (Dead)
- Andy Sorry Missy, 我…激动左少少。
- 老师 哦…无，我一时之间唔识答你啫。系啰，点为之贡献社会呢…我都唔知。
- Andy 唔紧要啦。Missy 呀，你唔好嘅时间系我地身上啦……不如…你都系由我地算啦!
- 老师 唔得! 咁叫就咁算啊，你仲记不记得我成日都同你地讲，你地一个都不能少。讲真呀，我已经当左你地系我生命一部分。所以，你千祈唔可以放弃呀知唔知，我要见住你地全部一个一个开开心心咁成长，唔洗再担惊受怕。
- Andy 唔洗再担惊受怕! ? 除非个制度突然之间无左啦。不过唔紧要啦，反正我都打定输数。可能，唔好做社会嘅负累，就系我哋呢班人，唯一嘅用途。
- 老师 你讲咩呀。浩杰你发生咩事呀，唔好乱讲野啦。你努力左咁耐，你甘心咩。
- Andy 我唔甘心啊，我只系认清左事实啫，一生出来就已经要戴住只野…玩下讲下笑都唔敢，日日就系度逼住做 d 唔钟意嘅野。我都唔知我系为左佢，定为左自己而生活。
- 老师 (细声) 我明，我明，我都好想知道，究竟点解会咁。
- Andy 不过唔紧要，就系好似 missy 话斋咁，重新出发，或者，下次，下次嘅我，可能系一个天才哩，又或者，我会去左一个无咁多掣肘嘅世界哩，再唔系，可以重新做多次小朋友，无忧无虑咁过日子，都唔错丫。
- 老师 你唔好咁冲动呀浩杰。我讲嘅重新出发，唔系咁嘅意思呀!
- Andy 唔关你事架 missy。讲真呀，我真系唔想再望住只表做人呀，我好奓呀，我想抖下丫。你就当我自私一次，俾我任性埋呢最后一次啦。
- 老师 杰仔，唔好咁呀…
- Andy 大个先知道，原来一个人只系想开开心心咁过生活都系一个错。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

老师 杰仔，唔好咁呀…

Andy Miss Leung, 咁多年来，多谢你嘅照顾，你系我哋最好嘅老师我哋最信任嘅人，睇住阿辉同阿均佢哋呀，保重啦。

老师 浩杰，唔好呀!!!

Scene 4

(VO)

阿均 下！入左医院唔系呀嘛，系咪比人打伤呀？洗唔洗我即刻 call 齐人马黎打镬金嘅佢地？

豪仔 吓，唔系呀嘛，好呀好呀，我地而家即刻赶过黎。

Vivian 咁佢而家点呀，有无生命危险呀。

Peter 咩事呀佢，佢寻日明明仲有返学架。

阿均 下…跳楼，你讲笑咋话，系咪真架。

辉哥 系真唔系呀，咁大镬!？喂你唔好拎呢 d 野黎玩㗎。

豪仔 唔怪之得啦，呢几人见佢自己柄埋一边。

Peter 唔净只柄埋一边呀，佢仲劲颓呀。

Vivian 你咁讲，又好似系㗎，点解我地都无发现到架。

阿均 快 d 同 Missy 讲啦。

Vivian 点解你有事唔同我地讲呀！

阿均 你唔系话想我教你点扭嘅咩，你快 d 醒啦，你想扭咩我都教你。

Vivian 我晒左我地 d 相出黎呀，我地好挂住你呀，你唔好 dum 低我地呀。

阿豪 呢几日课室无左你我地好唔惯呀，missy 又无返学，都唔知咩事，你快 d 起身，等我唱歌比你听呀。

Vivian 佢先唔想听你唱呀，可。

辉哥 喂懦夫，你好快 d 起身啦㗎。之前又话同我大战 300 回合，你再唔醒，我当你认输架啦。

Peter 虽然 Missy 呢几日都无返学，但系我好俾心机上堂架，帮你抄好晒 d 笔记，等你起身之后，我教翻你。

Peter 丫系呀，我地练左只歌比你听呀，你最钟意嗰只呀。

全部 如若全世界一天一点变坏 犹幸还有你一贯烂漫姿态 而你赤裸裸脱俗如像小孩 想笑就笑要嗌就嗌。

黑 你唔出去见下佢地？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

老师 我仲边有面出去见佢地，我眼白白望住佢跳落黎架，系我阻止唔到佢佢先会跳落去架
黑 咁，呢个系佢选择呢啫，或者，重新开始对佢呢讲真系好 d 哩。
老师 重新开始!？你知唔知佢为左你呢啲分数，佢捱左几耐呀，如果唔系因为你，佢会咁咩？
老师 佢地无错，系有好多缺点，又烂玩、把口又衰、又读唔成书，但你会发觉到，一有起事上黎，永远，佢地都一定会义无反顾咁去帮大家。
黑 但系你睇下，都无用，结果都系无变丫。
老师 唔系样样野都净系睇结果，睇表面架，拎开你个面罩，好好感受下每一个人嘅内心，你会发现，所有野都唔同晒…
黑 …(头 dup dup)
老师 你唔觉得你个所谓制度好荒谬嘅咩，点解一唔够分就要死呀，你有咩资格去判断一个人有无贡献呀！你答我呀！
黑 (犹疑)我…我咪讲过…等价交换呀嘛
老师 等价交换(冷笑)你睇下佢地，佢地为左浩杰，放低晒 d 野，个个留低系度陪佢。无错，可能真系好似你所讲咁，都系唔会有咩改变，但系，至少佢地会尽佢地嘅力，即使机会几渺茫都好。
黑 …
老师 你，系咪讲过，任何事都可以等价交换呀？
老师 我，要翻浩杰。
黑 你唔系想…
老师 我已经决定左啦。望住佢地，你唔觉得呢个世界好美好，好纯洁嘅咩？我可以教佢地嘅，都教晒啦，净低落黎，都应该交托俾佢地。
黑 值得咩？你真系唔会后悔？
(BO)
老师 唔会

Scene 5

(形体) 交换生命



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Scene 6

黑 或者，你一开始见到我，系有佢既原因架。你讲得无错，你比起我，更加明白咩叫做贡献。可能真是不是所有事，都可以用分数黎决定。佢地嘅未来，就由佢地自己决定啦。

Scene 7

Andy 你好，我系今年你地嘅新老师呀。由细到大，我地，或多或少，都会做过一啲傻事。有啲可能好易解决，但系，有啲就好难弥补，不过唔知点解，我地永远最后都会渡过到难关。靠嘅，永远并唔系单单自己嘅力量，系身边嘅人一点一滴嘅支持。贡献系咩，老实讲，我都唔知，我净系知道，每个人都系独一无二，只要尽自己能力做好每一件事，可以令身边嘅人开心，咪已经系最大嘅贡献嘞，唔系咩？

全剧完